

Vuk'uzenzele



Produced by Government Communications (GCIS)

English/Sepedi

| Mopitlo 2018 Kgatišo 2

Bridge brings relief for KZN learners



■ KZN MEC for Transport, Community Safety and Liaison Mxolisi Kaunda with local learners who now arrive on time for school.

GOVERNMENT is ensuring that children don't have to cross dangerous rivers to get to school.

Nomfundo Mcetywa

Facing crocodiles and possibly drowning while crossing UThukela Riv-

er to get to school is no longer a reality for learners in KwaDukuza and KwaMaphumulo. This after the KwaZulu-Natal Department of Transport built two bridges

which cross the UThukela River. The Nyakana UThukela River Bridge, which cost R89.5 million to build serves the Mankenganeni community which is locat-


ed on the northern side of the river. The bridge links the Um- lalazi and KwaDukuza local municipalities

● **Cont. page 2**



New App to bring faster service delivery

Page 4



Space weather service to benefit Africa

Page 9



ALSO AVAILABLE ON:



@VukuzenzeleNews
f Vuk'uzenzele

Websites: www.gcis.gov.za
www.vukuzenzele.gov.za
E-mail: vukuzenzele@gcis.gov.za
Tel: (+27) 12 473 0353

Free Copy

“Education is the most powerful weapon which you can use to change the world.”

Nelson Mandela



Ke maikarabelo a Afrika Borwa go ruta baswa

MMUŠO O phethagatša tshepišo ya go netefaletša thuto ya godimo ya mahala go baithuti bao ba nago le maswanedi.

More Matshediso

Tonakgolo ya Thuto ya Godimo le Tlhahlo, Naledi Pandor, o re Afrika Borwa e a kgo-na go lefelela dipasari tša bana ba bahloki le ba go tšwa malapeng a go amogela mašeleng a fase bao ba tsenago diyunibesithing le dikholetšheng tša Thuto le Tlhahlo ya Mešomo ya Matsogo le ya Bothekniki (TVET) ka 2018.

Tonakgolo Pandor o rile ke maikarabelo a naga go thekga bahloki le malapa ao a lego tlalelong.

O be a bolela nakong ya ge a fa pego go boraditaba fao a utlollotšego lenaneo la go thakgola thuto ya godimo ya mahala mo Afrika Borwa.

Tonakgolo Pandor o tsebaga-ditše semmušo gore Mmušo

o beeditše R7.166 bilione ya tlaleletšo go lefelela dipasari tša bana ba bahloki le ba go tšwa malapeng ao a amogelago mašeng a fase ba ba tsenago diyunibesithing le dikholetšheng tša TVET lenyaga.

Tonakgolo Pandor o tšeditše gore R4.581 bilione e beetšwe ka thoko go thuša baithuti ba yunibesithi bao ba nago le maswanedi mola R2.585 bilione e le ya baithuti ba kholetšhe ya TVET.

Ka 2017 mmušo o tsebaga-ditše gore thuto ya godimo e tlo ba mahala go baithuti ba bahloki le bao ba tšwago malapeng ao a amogelago palomoka ya moputso wo o kopantšwego wa go lekana R350 000 ka ngwaga.

Baithuti ba thekgwa ka lenaneo le le katološitšwego la pasari, lona le tsena bakeng sa lenaneo la kgale la kadimo

ya tšhelete le pasari ye e sa felellago leo le bego le abja ke Setlamo sa Bosetšhaba sa Thušo ya Ditshelete tša Thuto go Baithuti (NSFAS).

“Palomotho ya kabo ya NSFAS ya go thekga baithuti ba yunibesithi le ba TVET ba ba hlokago le ba malapa a go amogela mašeleng a fase e tlo oketšega go tloga go R9.849 bilione ka 2017/18 go ya go R35.321 bilione ka 2020/21.

“Se se ra gore go tla ba le tlhokego ya kaonafatšo ya go phethagatša mošomo le tlhabollo ya mananeo go NSFAS. Ka fao re abetše tlaleletšo ya R105 milione ka Lenaneo la Ditshenyegelo tša Mengwaga ye Meraro go thuša NSFAS gore eoketše legomatla-fatša bokgoni bja yona bja tša taolo,” a realo Tonakgolo.

Baithuti ba go ba le maswanedi, mengwaga ka moka ya di-



■ Motlatšatona wa Kgoro ya Thuto ya Godimo le Tlhahlo Buti Manamela a na le Tonakgolo Naledi Pandor le Modulasetulo wa NSFAS, Sizwe Nxasana.

thuto, bao ba ingwadišeditšego ditifikarata tša bosetšhaba (tša bošomelo) le mananeo a thuto ya dikholetšheng – kholetšheng ye nngwe le ye nngweyabohleya TVET–batlo amogela pasari ya go akaretša mašeleng a dithuto le didirišwa tša go ithuta.

Tlhatlošo ya tefelego ngwageng wa 2018/19 e tla netefatša gore palo ya 458 875 ya baithuti ba amogela dipasari.

Palo ya go lekana 50 480 ya

baithuti ba kholetšhe ya TVET, bao ba fihlelelago dinyakwa tša go sepela ka senamelwa, madulo le dijo, le bona ba tla thekgwa; mola palo ye nngwe ya 82 600 e tla swanelwa ke diputseletšo tša senamelwa.

Tonakgolo o rile kabo ye mpsha ya tefelego e letetšwe go thekga palo ya go lekana 83 200 ya dikgoba tše 208 000 (40%) tše di lego gona tša baithuti ba bafsa diyunibesithing ka 2018. ■

Kgoro ya Merero ya Selegae e tsebaga tšwa twantšho ya methaladi

MAAFRIKA BORWA e se kgale a tla kgona go ipshina ka tirelo ye e potlakišitšwego gape yeo e šomago gabotse diofising tša Merero ya Selegae.

More Matshediso

Kgoro ya Merero ya Selegae e beakanya leanotšhomo go netefatša gore badudi ga ba fetše nako ye telele methalading.

Go ya ka Tonakgolo ya Kgoro ya Merero ya Selegae, Malusi Gigaba, methaladi ye metelele e hlotšwe ke palo ya godimo ya badirelwa, sekgoba se senyane sa ofisi ya bogorogelo, mathata a boetapele le go tswalela ga ofisi ka Mokibelo.

Go rarolla bothata bjo, kgoro e sekaseka bogolo bja mafelo ao e a akaretšago go hlatha gore ke mafelong afe fao go hlokegago gore e kaonafatše ditirelo tša yona.

“Re tlo thakgola dinyakišišo tša go lekola kgotsofalo ya badirelwa, ra dira gore senthara ya go thuša badirelwa e šoma ka botlalo, ra hwetša tharollo malebana le go goroga ga badirelwa bao ba sa letelwago gammogo le sekgoba sa ofisi ya bogorogelo, ra naganišiša ka ga kgonalo ya

lenaneo le leswa la go šoma ka go šielana, ra šogana le lenaneo la go fetoga ka mehla, koketšo ya diketelo ntle le tsebišo ka balao-dibagolo diofising tša rena, ra kaonafatša tshepedišo ya mošomo le go maatlafatša kgokaganyo magareng a kgoro le badirelwa,” Tonakgolo a tiitšetša ka go realo.

Maanotšhomo a a tla thakgolwa bjalo ka tharollo ya lebakanyana, ya lebaka le leteletšana gammogo le ya lebaka le telelele.

Tonakgolo o hlalošitše gore dihlotlo tše di ka se rarollwe ka ditharollo tša ka pejana gomme a kgopela setšhaba gore se se ke sa fela pelo ge kgoro e le gare e di phethagatša.

“Re tloga re ikgafetše go dira bokaone ka mokgwa wo re ka kgonago go fenya ntwaga ya go tšwa mahlakoreng ohle kgahlanong le methaladi, le ge go na le ditšhitišo tše pharologanego le dihlotlo tše dingwe,” a realo Tonakgolo Gigaba.

Pele ga tsebišo ya maanotšhomo, kgoro e hlomile pego ya tekolo go lekola gore e ka laola



■ Tonakgolo ya Kgoro ya Merero ya Selegae Malusi Gigaba o re kgoro ya gagwe e tlo phethagatša leanotšhomo go thibela methaladi ye metelele.

methaladi bokaone bjalo ge go kaonafatša ditirelo tša yona.

Pego e laeditše gore mananeo a go dula a fetoga, tshepedišo ya mošomo ye e sa šomago gabotse le maano a dikgokaganyo a go se sepedišane, di hlola go se kgotsofale ga badirelwa gape le methaladi ye metelele.

Go ya ka Tonakgolo, mabaka ao a latelago le ona a gakatšatše seemo:

- Taolompe diofising tše dingwe.
- Go hloka bokgoni bja go

šomiša bašomedi gabotse.

- Tlhokego ya lenaneo la badirelwa la boipeakanyetšo bja go etela ofisi.
- Go hloka bokgoni bja go laola methaladi.
- Tirišo ya sammaletsee ya lenaneo la tirišo ya diatla le la morethaoitiriša.
- Kabo ya go se lekanele ya diofisi go ya le ka palo ya batho ba ba phelago mafelong a itšego.
- Tshedimošo ye e fošagetšego ya phetšišo ya tirišo ya di-

puku tša boitsebišo tše ditlala-morogo.

- Maswao a go se hlake gabotse diofising

Go na le diofisi tše 184 tša Kgoro ya Merero ya Selegae tša go ba le lenaneo la go kgoboketša tshedimošo ya boitšhupo bja motho gammogo le mafelo a bošomelo a 411 naga ka bophara.

Ke diofisi tše 184 feela tšeo di šoganago le dikgopelo gammogo le go fana ka karata ya boitsebišo ya sebjalebale le pasporoto.

Kgoro e mpshafatša diofisi tša go thetha tše 78 gape e na le tshepo ya gore di tla dirišwa mafelong a fapanego Afrika Borwa ka bophara ka seripa-gare sa 2018. ■

NAAOBOTSEBA?

Sale go thakgolwa dikarata tša boitsebišo tša sebjalebale ka 2013, diofisi tša Kgoro ya Merero ya Selegae di fane ka dikarata tša go feta dimilione tše senyane.